



বাংলাদেশ কৃষি ব্যাংক

প্রধান কার্যালয়

৮৩-৮৫, মতিঝিল বা/এ, ঢাকা।

ক্রেডিট বিভাগ

ই-মেইলঃ dgmsme@krishibank.org.bd



নং-বিক্রেবি-প্রকা-ক্রেগবিঃ(শাখা-৪)-এসএমই-৭(৮)অংশ/করোনা/২০২০-২১/ ১১১ ৫(১২০০) তারিখঃ ০৪/১১/২০২০

মহাব্যবস্থাপক, বিভাগীয় কার্যালয়সমূহ/স্থানীয় মুখ্য কার্যালয়, ঢাকা।
উপ- মহাব্যবস্থাপক, কর্পোরেট শাখাসমূহ।
সকল মুখ্য আঞ্চলিক/আঞ্চলিক ব্যবস্থাপক।
সকল শাখা ব্যবস্থাপক (মুখ্য আঞ্চলিক/আঞ্চলিক ব্যবস্থাপকের মাধ্যমে)।
বাংলাদেশ কৃষি ব্যাংক।

বিষয় : নভেল করোনা ভাইরাস (COVID-19) এর প্রাদুর্ভাবের কারণে সিএমএসএমই খাতের জন্য বিশেষ ঋণ/বিনিয়োগ সুবিধা প্রসঙ্গে।

প্রিয় মহোদয়,

শিরোনামোক্ত বিষয়ে এসএমইএসপিডি সার্কুলার লেটার নং-১২ তারিখঃ ২৮/১০/২০২০ এর প্রতি সদয় দৃষ্টি আকর্ষণ করা যাচ্ছে (কপি সংযুক্ত)।

০২। করোনা ভাইরাসের প্রাদুর্ভাবে ক্ষতিগ্রস্ত সিএমএসএমই খাত পুনরুজ্জীবিতকরণে সরকার ঘোষিত আর্থিক প্রণোদনা প্যাকেজ বাস্তবায়নে এসএমইএসপিডি সার্কুলার নং-০১ তারিখঃ এপ্রিল ১৩, ২০২০ এর ১(খ) অনুচ্ছেদের মাধ্যমে উৎপাদন ও সেবা উপখাতে অধিক সংখ্যক জনবল নিয়োজিত থাকায় এই দুই উপখাতকে প্রাধান্য প্রদানপূর্বক মাইক্রো ও ক্ষুদ্র শিল্পে ব্যবসা উপখাতকে আর্থিক প্রণোদনা প্যাকেজের অন্তর্ভুক্ত করা হয়। সেই সাথে উৎপাদন, সেবা ও ব্যবসা উপখাতে ব্যাংক ও আর্থিক প্রতিষ্ঠানসমূহের বাৎসরিক ঋণ/বিনিয়োগের আনুপাতিক হার যথাক্রমে ৫০,৩০ ও ২০ শতাংশে নির্ধারণ করা হয়। পরবর্তীতে, এসএমইএসপিডি সার্কুলার লেটার নং-০৭ তারিখঃ আগস্ট ৩১, ২০২০ এর ০২(ক) নং অনুচ্ছেদের মাধ্যমে আলোচ্য প্যাকেজের আওতায় উৎপাদন ও সেবা খাতে বাৎসরিক ঋণ/বিনিয়োগের আনুপাতিক হার যথাক্রমে ৫০ ও ৩০ শতাংশের পরিবর্তে উক্ত উপখাতদ্বয়ে সামগ্রিকভাবে ৮০শতাংশে পুনর্বিন্যাস করা হয়।

০৩। করোনা ভাইরাসের প্রাদুর্ভাবে ক্ষতিগ্রস্ত সিএমএসএমই খাতের অন্তর্ভুক্ত শিল্প ও সেবা উপখাতে উল্লেখযোগ্য পরিমাণ ঋণ বিতরণ করা হলেও আলোচ্য প্রণোদনা প্যাকেজ বাস্তবায়ন অগ্রগতি আশানুরূপ হয়নি। তাছাড়া, ব্যবসা উপখাতে নিয়োজিত মাঠ পর্যায়ের উদ্যোক্তাগণ ও বিভিন্ন ব্যবসায়িক সংগঠন উক্ত উপখাতে আলোচ্য প্রণোদনা প্যাকেজের আওতায় ক্ষতিগ্রস্ত সিএমএসএমই প্রতিষ্ঠানসমূহের অনুকূলে বরাদ্দ বৃদ্ধির অনুরোধ জানিয়েছে।

০৪। এক্ষণে, শিল্প ও সার্ভিস সেক্টরে কর্মসংস্থান বহাল রাখার পাশাপাশি ব্যবসায় (ট্রেডিং এ) নিয়োজিত প্রকৃত ক্ষতিগ্রস্ত উদ্যোক্তাদের ক্ষতি হ্রাসকল্পে উক্ত উপখাতে ঋণ চাহিদা পূরণের লক্ষ্যে চলতি মূলধন বারদ ঋণ/বিনিয়োগ সুবিধা প্রদানের ক্ষেত্রে নিম্নোক্ত সিদ্ধান্ত গৃহিত হলো :

- এসএমইএসপিডি সার্কুলার নং-১/২০২০ এর ১(খ) অনুচ্ছেদে বর্ণিত ব্যবসা (ট্রেডিং) উপখাতে ব্যাংক ও আর্থিক প্রতিষ্ঠানসমূহের বাৎসরিক ঋণ/বিনিয়োগের আনুপাতিক হার ২০ শতাংশের পরিবর্তে সর্বোচ্চ ৩০ শতাংশে নির্ধারণ; এবং
- অত্র প্রণোদনা প্যাকেজ এর আওতায় ব্যবসা (ট্রেডিং) উপখাতে ব্যাংক ও আর্থিক প্রতিষ্ঠান কর্তৃক প্রদত্ত/প্রদেয় বিনিয়োগ এর অনুপাত বাৎসরিক ঋণ/বিনিয়োগের ২০ শতাংশের বেশী হলে (যা কোনভাবেই ৩০ শতাংশের অধিক হতে পারবে না) সমানুপাতিক হারে উৎপাদন ও সেবা উপখাতে প্রদত্ত/প্রদেয় ঋণ/বিনিয়োগের অনুপাত হ্রাস পাবে। তবে, উক্ত উৎপাদন ও সেবা উপখাতে প্রদত্ত/প্রদেয় সামগ্রিক ঋণের অনুপাত ৭০ শতাংশের কম হবে না।

০৫। এতদ্ব্যতীত বর্ণিত সার্কুলার ও সার্কুলার লেটারের অন্যান্য নির্দেশনা অপরিবর্তিত থাকবে।

০৬। এমতাবস্থায়, উপরোক্ত সার্কুলার লেটারে বর্ণিত উৎপাদন, সেবা ও ব্যবসা উপখাতে ঋণ/বিনিয়োগের আনুপাতিক হার অনুসরণপূর্বক আলোচ্য প্যাকেজের আওতায় অর্থায়নের জন্য সংশ্লিষ্ট সকলকে অনুরোধ করা হলো।

অনুমোদনক্রমে-

আপনার বিশ্বস্ত

(মোহাম্মদ মঈনুল ইসলাম)

সহকারী মহাব্যবস্থাপক

(বিভাগীয় দায়িত্বে)


ফোনঃ ৯৫৫০৪০৩

নং-বিকেবি-প্রকা/ক্রেবি(শাখা-৪)-এসএমই-৭(৮)অংশ/করোনা/২০২০-২১/ ২১১ ৫ (১২৫০)

তারিখঃ ০৪/১১/২০২০

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলোঃ

- ০১। চীফ স্টাফ অফিসার, ব্যবস্থাপনা পরিচালক মহোদয়ের সচিবালয়, বিকেবি, প্রধান কার্যালয়, ঢাকা।
- ০২। স্টাফ অফিসার, উপ-ব্যবস্থাপনা পরিচালক-১, ২, ৩ মহোদয়ের সচিবালয়, বিকেবি, প্রধান কার্যালয়, ঢাকা।
- ০৩। স্টাফ অফিসার, সকল মহাব্যবস্থাপক মহোদয়ের দপ্তর, বিকেবি, প্রধান কার্যালয়, ঢাকা।
- ০৪। অধ্যক্ষ, বিকেবি, স্টাফ কলেজ, মিরপুর, ঢাকা।
- ০৫। সকল উপ-মহাব্যবস্থাপক/সচিব, বিকেবি, প্রধান কার্যালয়, ঢাকা।
- ০৬। উপ-মহাব্যবস্থাপক, আইসিটি সিস্টেমস, কার্ড ও মোবাইল ব্যাংকিং বিভাগ, বিকেবি, প্রধান কার্যালয়, ঢাকা। উপরোক্ত পত্রিপত্রটি ব্যাংকের অফিসিয়াল ওয়েব সাইটে আপলোড করার প্রয়োজনীয় ব্যবস্থা গ্রহণের জন্য অনুরোধ করা হলো।
- ০৭। সকল বিভাগীয় নিরীক্ষা কর্মকর্তা, বিকেবি, বিভাগীয় নিরীক্ষা কার্যালয়সমূহ।
- ০৮। সকল আঞ্চলিক নিরীক্ষা কর্মকর্তা, বিকেবি, আঞ্চলিক নিরীক্ষা কার্যালয়সমূহ।
- ০৯। নথি/মহানথি।


 (মোঃ নাজমুল করিম চৌধুরী)
 সহকারী মহাব্যবস্থাপক